



海虞文苑卷之七

邑後學張應遴選卿甫輯

五言絕句

石屋

林大同

日出千山曉空岳鎖翠嵐久傳通少室未得遂幽探

秋浦晚罾

吳訥

澹煙起前汀斜陽沉遠樹漁翁罾未收家在溪邊住

西溪奇樹

聞說幽棲處西溪樹最奇酒酣閒坐久面面好風吹

秋夜獨坐

陳符

雲歛碧天秋，星河澹不流。憑闌玩清景，斜月隱銀鈎。

竹影

程宗

因風搖石砌，和日上窗紗。欲遣詩人興，娉婷舞態斜。

滄洲漁唱

蔣綺

十里清江曲，高歌送夕陽。悠然不知處，漠漠水雲鄉。

長江夕照

渺渺東流遠，亭亭落日斜。碧山與紅樹，掩映白鷗沙。

晝坐

桑琳

綠陰坐來靜，爐煙裊輕絲。默照澹忘言，此妙無人知。

遊昆湖

桑瑾

蘭舟蕩雙槳，載酒藕花莊。劇飲不知醉，柳風生晚涼。

客居偶成

桑瑜

山館僧爲主，門間掩薜蘿。客愁如落葉，偏在雨中多。

雙竹

李傑

兩兩湘江玉，新梢著露低。月明秋水濶，應有鳳分飛。

西岳拂水

六月西岳上，南風拂石湍。無雲何處雨，灑面作輕寒。

題畫

秋山澹蕭疎，興到時一往。空林積雨餘，石上苔莓長。

山中宿

山深風露涼卧久不交睫夜半秋聲來先到梧桐葉
次韻竹月僂面爲僧題 王鼎

別君湘江陰十年塵滿襟相對坐明月一寫萬古心

古別離擬孟東野

桑悅

傷心別君淚垂垂滴中庭一庭芭蕉葉天晴雨聞聲

倚杖吟

王授

倚杖出岵扉秋入荷衣冷清風吹柳條素月照松頂

僂面次韻

桑翹

曲曲春山路桃花水拍堤滿身雲氣濕來自禹門西

病起

陸潤

卧病經旬久開窗思有餘不知秋已半黃葉滿庭除

誰家舟

丁奉

誰家舟似瓢搖出菰蒲曲忽唱采蓮歌驚散鳧鷖浴

曉下廬山

徐昌穀

下山鼯鼠啼藤竹使人迷多謝東林月殷勤過虎谿

答獻吉

花發平章宅鶯啼省樹春殷勤花鳥意愁殺獨遊人

江南樂

江南道里長荆襄在何處聞郎昨夜語五月瀟湘去

隴頭流水歌 二首

隴水鳴咽流各自東西下生男不下堂生女棄中野
其二

下隴磨剪刀刀澁指爪柔將刀斷割水那用東西流
其三

隴水鳴不止侶聞阿兒語出門不見人肝腸斷絕汝
鳳鳴亭

鳳鳥期不來瑤華幾銷歇唯有山中人吹蕭弄明月

敬亭霽雪

錢籍

霽雪光皚皚敬亭寒正肅獨誦謫仙詩梅花落香玉

山塘八曲

邵圭潔

出城十里山蒼碧映澄水棹歌隱隱聞中有採蓮子

其二

春言拾瑤艸秋言采芙蓉吳風半如晉水面行歌鐘

其三

神仙何處遊應在此山頭曉粧湖是鏡宵憇石爲樓

其四

移舟渡渚曲長吟出松際襟袖生雲霞山頭吐靈氣

其五

一水東西流滋彼南北田四郊多水旱山社慶豐年

其六

海虞詩苑 卷之七
馬蹄緣磧熟帆影帶村斜長作西歸客看山直到家
其七

石門傍天高飛雲自來去雲去蒼崖明萬點珊瑚樹
其八

妾家湖之濱郎住山之曲盈盈隔一水相思柳條綠
山塘八曲 次邵北虞韻
沈應魁

青圍北岸山綠遶西湖水一聲衝露飛知是河滿子
其二

山光金翡翠樹色玉芙蓉拂水岳頭寺風傳飭後鐘
其三

煙月雙湖水秋雲萬樹頭誰將鸞鶴侶吹引到山樓
其四

山人家翠微俯視天無際深冬煖於春知是流雲氣
其五

傍山長雨澤何處不耕田但願無豺虎安居卽稔年
其六

樹遠湖波靜雲深石徑斜柴扉驚犬吠明月到山家
其七

妾住蘇城東蕩槳看山去逢人問春色指點西山樹
其八

長有綺羅人拾翠蒼山曲上山桃花紅下山柳枝綠
楊花曲

暗逐遊絲下輕隨白燕飛青樓腸斷處片片入羅幃
咏扇上螳螂蛸蝶

錢詔

螳螂餐曉霧蛸蝶夢天涯怒臂當何轍芳心莫戀花

看竹

錢籌

不問誰爲主先來挹翠寒清風落天際滿耳碎琅玕

閒居雜興二首

沈冕

高齋朝睡起秋日照山嶂人間桂花落半在衣襟上

其二

餅酒每易空園蔬時自斲臨觴固多娛抱甕詎爲拙

虞姬怨

淒風驚夜帳泪逐楚歌傾不是君恩重誰令妾命輕

採蓮曲二首

蕩漾木蘭船采蓮清湖側誰知妾心苦正是蓮中臆

其二

采蓮莫采葉葉盡不遮波下有鴛鴦宿秋來零露多

明妃曲

一識君王面翻爲萬里行空憐漢宮月伴妾到氊城

扈虜歌

箕箒力不衰猶堪奉君惟君心能再熱不作屢屢灰

雜詠

周詩

虹垂宿雨收積翠浮林薄踞坐面羣山泉聲天上落

席上贈譚者朱生

趙用賢

故人住南郭瀟灑北窗風青山對捫蝨一語千秋空

詠綿花

湯氏 定宇室

車發層雲吐絃鳴白雪飛絲綸全在手經緯任從機

中峰石潭

孫七政

潭影落空山孤雲碎寒碧誰知桃花源可比青蓮色

脩竹埤

六月懷長林清風發靈籟以髮讀楚騷衣裳襲虛靄

古梅岡

微月照寒岳孤芳不成影時着雪中花猶見江南景

贈張小姬

小小青樓妓幽蘭半吐芳舞成楊柳態知斷幾人腸

南都送無美東還 二首

淮水月正白寒塘花始開那堪花前客此夜不重來

其二

君下吳江煙我畱秦淮月何爲一水間依依不忍發

題麗人傷春和韻

粧竟臨落花含情悄無語不恨長別離但惜多風雨
聽鳥啼

盡掃塵中慮忽來空外音此時楊子徑剩有落花深
六橋晚步

僧歸三竺晚雲斷六堤秋奈此滄波上荷花送客愁
贈楊茂才
王嘉謀

茆屋清溪上中間半積書酒船門外泊知是子雲居
題畫贈隱者
金澄

秋庭餘衆芳蒼松半倚石山徑絕無人孤雲共晨夕
桃源澗
張繼詩

誰移武陵桃栽傍虞山石漁郎休謾猜中無避秦客

夏日偶成

錢繼科

畏暑出門懶端居鎮日間飲盡床頭酒看餘屋背山

山中秋夜

徐培

空林採樵散野鶴帶雲還影落松門月幽人欲下山
客思

遠道平蕪色青青空復春誰知歸雁後未作故園人

山樓薄暮

澹澹孤霞莫蕭蕭萬木秋衆山斜照裏人倚翠微樓

題一朶牡丹

嚴澂

甘露曉方潤香風莫不寒洛陽春色滿試向一枝看

除夜

陳禹謨

歸興秋風裏星回此駐輶身同臘是客去住只今宵

紙

錢達道

試剪剡溪藤濯以剡溪水製成玉版箋供爾副墨子

雲山夕照

層巒一段雲冉冉隨霞起短笛橫斜陽無腔偏入耳

咏泉

繆雲鳳

寺遶曲曲流冷然沈清瀨泉響不聞鐘鐘聲落山外

湖上雜詠

三首

邵鏊

流雲起茲岳流水遶茲舍中有讀易人水雲常不夜

其二

桂樹日以稠露華日以滋舟移遠水近徑入高山低

其三

當時厭秦苦颯然爲此去真令漁子入亦復在人世

雜題

徐待聘

悵望高秋景西風吹鬢寒故園何處是松菊未應殘

其二

竹林新雨過明月澹窗虛自君之出矣無人話索居

華子岡

何允濟

海虞文苑 卷之十 九
落日天共遠白雲望不極歸來霞氣多衣裳滿秋色

客思

徐崇誠

寒生紫綺裘霜落鸞鴛瓦何處最相思孤館銀燈下

玉堦怨

徐崇賢

玉堦明月上皓影射雕梁斜倚熏籠坐無心換夕香

天池道中

二首

金定樂

煙火翳雲蘿家家焙新茗香風松際來吹我塵夢醒

其二

出郭歷羣山度嶺山踰邃幽討不知疲行行入蒼翠

閨人落梅怨六解

錢希言

妾有玉臺梅霜中不肯開春風乍披拂又送落英來

其二

花信一番急枝頭已半空年年望歸意只在剪刀中

其三

儂情比落花歡意如流水不種煩冤根那結相思子

其四

下枝花委地上枝花撲床嫁得浮雲壻朝朝泣粉粧

其五

莫畱地上花急打枝頭雪雪態慣相輕花心不曾熟

其六

掃却粼粼月何須照綺疏機中餘織素不是竇家書

莫子夜吳歌

嚴濟

東城桃李花西城楊柳色不是遇歡來春華誰共惜

常雲峰

姚宗儀

英英生白雲重重浮玉案帝鄉如可期日夕栖岳畔

閨怨

陳裕

妾似風中柳郎似風中絮柳自帶愁眉絮去知何處

夜坐

釋法乘

夜深微雨後定起竹房寒一片藤蘿月清光誰共看

七言絕句

題陸子善所藏書

張著

江閣空明宿雨殘青山如洗隔簾看神仙不記天台路
萬壑千峰莫色寒

題畫

千章綠樹濃欲暝萬壑頽雲濕不流昨夜溪南春雨過
桃花無處覓漁舟

題三泖歸帆圖

三泖湖邊是故廬白雲長護水窗虛
樓灑酒歸來日
恰問鄰船買得魚

過鸞嶺關

緱氏東山擁翠屏石門天削倚蒼冥崧陽明日重回首
三十六峯雲外青

聞雁

啼破江雲第幾聲西風吹送過前汀也知今夜南飛去
不向瀟湘卽洞庭

晚發安陸州

遠山如黛隔江青月轉天河白露明過客無心聽郢曲
夜深船發楚王城

奉命出都門道中

施顯

蹇驢駝病出京華謾策吟鞭看落花借問呢喃雙燕子

隔溪楊柳是誰家

竹枝詞

繆篋

初三月子似彎弓照見花開月月紅月裏蟾蜍花上蝶
憐渠不到斷橋東

紅梅 二首

黃鉞

懸崖倒挂一枝斜沉醉東風萼綠華不是金丹換僊骨
定隨王母酌流霞

東風昨夜到山家玉骨冰肌暈紫霞但得歲寒貞節在
任渠錯認是桃花

空心亭

季篴

寺裏寒潭百尺深冷涵秋氣碧沉沉風波不動開明鏡
恰比山僧入定心

題畫

四首

吳訥

數間茆屋萬重山山裏閒雲自往還老我何時歸故隱
晚年心事等雲閒

轟轟蒼松護艸廬閒花幽艸滿庭除呼童瀹茗消殘醉
一榻清風午夢餘

雨過尋芳出較遲小橋平水路參差落紅點點春容減
愁絕東風聽子規

籬菊歸來手自栽天寒徒自傲霜開蘭枯柳瘁時將改

獨把幽情付酒盃

罷釣圖

顧立

罷釣歸來泊水村數聲欸乃隔江聞船頭短棹隨波去
載得湖南雨後雲

七夕

耿耿銀河西隔東一年一度鵲橋通遙知今夜雲機畔
應有新愁怨曉鐘

江村

陳符

風作秋聲落樹間雲將雨意度溪灣蒹葭黃葉江村路
時有漁樵自造還

感廢宅

王珙

短棹隨潮過遠沙
斷橋疎柳兩三家
長蒿深匝門前路
野菊無人秋自花

漁樵問話

錢洪

君在煙波我在山
乾坤俱得此身閒
風前湖上斜陽路
今古悠悠幾醉還

題畫雁

九月江南兩岸秋
蘆汀蓮渚舊曾游
也知菰米浮波處
不似黃沙斷岸頭

題荷花小幅

陳宏

青葢何年種滿塘
芙蓉搖影妬新粧
不知誰剪波心襖
狼藉紅雲幾片香

千崖道中

程宗

巢居人住艸樓中
瘴水蠻煙處處同
綿竹筍穿籬外紫
刺桐花落路間紅

橄欖坡

欲去前途日已斜
蒼煙白艸兩三家
坡頭夜半西風急
吹得寒霜滿地花

陳橋懷古

徐恪

藝祖興王此駐兵
風雲長護鳥還驚
蕭條細柳無多在

留與陳橋記舊營

江村莫景

桑琳

清溪到海只十里
茆屋沿村有幾家
向晚漁舟迷去所
狂風翻雪捲蘆花

過高郵湖

桑瑜

湖水生寒蘆葉稀
秋來湖上幾人歸
莫雲垂處天三尺
不礙孤帆帶雨飛

題畫

李傑

夏木陰森覆碧灣
溪風不動鳥聲閒
茆齋盡日人稀到
隱几無言對遠山

訪呂山人不遇

青林一徑入山家
門外溪流碧玉斜
茆屋日高人不見
春風吹落刺桐花

海亭

秉燭來遊海上亭
雨餘艸木帶龍腥
夜深不辨亭前景
彷彿秋濤響四溟

題紅梅

杖藜行過小橋西
滿眼春光思欲迷
不識孤山山下路
幾回錯認武陵溪

與友人維摩寺小飲

王鼎

暫依禪榻息塵機
牆外東風晝掩扉
欲上高峰尋舊迹
輕衫短帽不禁吹

回馬峯

玉勒追風日未西
前驅尚有幾重溪
問渠欲度頻回首
可是臨流惜障泥

宿遷道中寫懷

陸潤

片帆高挂疾如飛
遇酒何妨便典衣
却羨牧童牛背穩
夕陽林下倒騎歸

招賢里

桑悅

魏闕遙遙楚天碧
滿眼白雲江水急
小山鼓桂不聞歌

秋空月冷黃金泣

題畫

浮雲出沒吞遙岑
小亭日日巢秋陰
美人如玉不可見
松子自落空山深

題脩竹美人圖

脩竹涓涓野水旁
薄寒翠袖倚風長
沉香亭畔春如海
化作巫山一夜涼

游霧谷

周木

霧谷春來花鳥繁
管絃遊子競追歡
淒涼古殿風霜裏
老檜參天獨倚闌

送羅池尹計君游吳入楚

狄雲漢

柳拂楓橋曉發舟望春春過楚江頭遙知鸚鵡洲前月
遲爾西登黃鶴樓

除夕

時中

燈火留連夜不眠却憐明日是新年只須坐斷山窗雨
莫遣愁聲到夢邊

題王時用思親堂

蔣欽

升堂舉眼卽思親世上無如此意真我亦終天空抱恨
爲君書罷益沾巾

述感

辛未下第作

壯心零落鬢心玄舊業依然谷口煙翠壁丹霞將萬里
鳳城龍闕又他年

小園牡丹盛開約梓堂過賞

吳堂

花外春聲過雨鳩花前春酒雜時羞百年身世真如寄
只有看花解遣愁

梁臺夜月

周光宙

荒苔千古誦昭明寂寞虛亭月五更時有松風臺上過
山人猶訝讀書聲

題點蒼山石屏石圓如鏡上爲十二峰紋細如縷

大叅王公

元勛

舊物也

楊儀

十二巫山道路難
夢中想像雨雲寒
詞臣不用陽臺賦
天落芙蓉鏡裏看

郵村秋興

先大夫命作時年十五

幽林露冷吳綾薄
手執牙籤開小閣
間梳短髮曉霞橫
閨闔風來豈花落

舟中

十五歲作

輕舟蕩漾過江村
海上雲生日未昏
山犬出籬驚過客
野翁收網上柴門

絕句

落木蕭蕭野徑昏
遠帆近槩各離村
空山寥廓行人少

明月寒潮自到門

送蕭若愚

徐昌穀

送君南下巴渝深
予亦迢迢湘水心
前路不知何地別
千山萬壑莫猿吟

送方山人

嚴子灘頭花落時
水清雲碧淨漣漪
孤舟相逐飛花去
一日看山到武夷

燕京四時歌

天柳垂絲拂建章
銀冰千片落金塘
煙花萬國行人度
遙指蓬萊春日光

暑殿金泉枕碧山
清涼樓閣五臺間
赤日不行葱嶺北
雪花長繞玉門關
薊門桑葉落滹沱
代北浮雲鴻雁多
莫向雲中傳尺素
空將明月對嚙娥
葡萄新酒淡流霞
十月燕山雪作花
天子後庭誇玉樹
昭君胡服拂琵琶

從軍行

青天磧路挂金微
明月洮河樹影稀
胡雁哀鳴飛不度
黃雲戍卒幾時歸

擬古宮詞

四首

君王無事日臨戎
韎韐親調白玉弓
千騎紅袍齊扈跸
臂鷹遙出建章宮

劍舞戎歌樂未休
煌煌芝火五城樓
班姬獨卧昭陽殿
却捲珠簾望女牛

興慶池頭漏未闌
梨園子弟曲將殘
花前更進梁州伎
無那西宮月色寒

馳道絃絃御柳垂
春風挾彈羽林兒
武皇親御長楊殿
勅與龍駒控鬣騎

孫小川携酒登讀書臺

周詩

窈窕仙宮石徑開
一尊頻與故人來
梁王簪組俱銷歇

蒼檜空餘太子臺

七檜壇夜集

萬丈丹梯碧霧開
山人採藥躡雲來
石壇夜坐千岳月
天上時聞笙鶴迴

大石山房同陳方溪聽穀茶泉

石畔泠泠度好音
與君箕踞聽來深
塵埃不起人間慮
始信寒泉能洗心

送姚季和羅東春遊

不斷青山罨畫溪
煙花樹色使人迷
年年買棹溪邊去
一路春風聽鳥啼

田園雜興

鄧穀

溪上柳花吹作萍
遊絲無賴舞中庭
幽人不來山欲雨
坐見北窗開翠屏

三月十日山塘舟中

十里紅桃夾岸栽
船衝細浪縠紋開
雨旸徙倚方思枕
又見前山擁翠來

予愛江隱隱居爲賦小句

杏花村巷酒旗懸
白石橋頭柳映川
日莫爭喧潮拍岸
小樓燈火到商船

漫興

錢詒

紫燕黃鸝如有識
峭風寒雨奈無情
一春獨對花開落
怕客敲門問姓名

四月寫懷

紅霞碧苔花寂寂
綠陰清晝鳥關關
誰言四月無霜雪
都在愁人鬢髮間

木港營

次韻

陳迥

寂莫荒山萬里程
斜陽芳艸對孤營
東風不負遊人意
忽送啼鶯三兩聲

贈妓曉雲

錢籍

茜紅袖子石榴裙
此是巫山一片雲
怪底五更飛不去

沈煙梳月弄氤氳

偶成

寥落江村見荻洲
美人千里思悠悠
偶然雙雁雲中下
占斷瀟湘萬頃秋

夜泊唐墅

夜泊西江秋水清
滿船惟有月華明
棹歌何處悠然發
聲斷蘆花恰二更

不寐

蘇子來

枕簟涼風半掩扉
誰家敲月搗寒衣
相催促織聲凄切
鄰婦三更不下機

蘇門雜詠

五首

邵圭潔

莫話興亾事已賒
祇今風土擅繁華
秦商蜀賈三千姓
趙舞燕歌十萬家

倚雲樓堞抱長濠
南北征人集萬艘
處處釵搖金絡索
家家酒進紫蒲萄

茶磨靈岳蠹紫蒼
畫船如屋下橫塘
蒲洲細浴鴛鴦隊
柳陌低迴翡翠光

醖酒和酥醉未醒
綠窗徐起怯吳綾
平川蕩葉忽十里
深巷賣花時一聲

小年兒女弄姿顏
銷費鉛華一擲間
百珪鈿揮梳鳳罷

千金囊盡鬪雞還

寒食

禁煙遺事傷千古
佳節驚心又一年
多少人家藜藿盡
不逢寒食也無煙

湖村雜詠

賣魚小艇隔溪歸
溪上家家啟竹扉
拍手兒童笑相報
晚來新得紫鱸肥

題畫

陸龍

汀蘭岸芷綠芊芊
浩渺晴波際北天
三月江鄉渾似畫
落紅長撲釣魚船

少年行

陳潛

蕭郎遠使曲江頭
繫馬垂楊上酒樓
忽見當壚人得意
便交忘却去封侯

對牡丹有感

朱性

醉裏風光夢裏家
春深無處不堪嗟
瑤臺一種傾城色
半倚雕闌半落花

牧牛圖

桑榮

綠遍郊原州正肥
桃林春午藹晴暉
數聲短笛青山晚
莫待斜風細雨歸

雨中

邵玉潔

春陰門外天涯隔
水滿溪頭客信稀
欲與梅花向明月
東風無力送雲飛

畫海棠

錢籌

燕脂澹澹玉浮紅
絕豔常宜繡幄籠
昨夜露華輕濕透
曉來無力不禁風

梅花道人湖村小景

桑介

清溪曲曲是誰家
綠樹陰陰繫釣槎
風送片帆歸別浦
數聲漁笛隔蘆花

桃溪詩贈孫山人

嚴訥

桃花千樹遶溪斜
溪水盈盈漾錦霞
溪上主人無俗事

却將春色染桃花

塞下曲

沈應魁

六月霜風薄戍樓
三更雲漢入邊秋
崆峒漫倚水花劍
隴水胡笳急莫愁

揚州道中

畫橋低拂錦雲流
采石東連白鷺洲
滿地瓊花向誰媚
一江瑤艸喚人愁

述感甲辰以薄誤禁不獲應制拂衣南還作

幾年虛作看花夢
萬里空餘彈鋏身
此去暫隨猿鶴伴
故山應不怨歸人

賦就十年投未得
淮南仙樹枉招尋
東流漫逐蘭舟去
捧日猶懸魏闕心

醉歌

沈冕

姑蘓臺前遊鹿麋
越王臺上鷓鴣飛
興亡莫問千秋事
湖上春光催典衣

少年行

當却金鞭酒肆中
馬蹄未肯踏殘紅
五侯門第俱深閉
醉倚月明聽禁鐘

奉寄紫琳翁

抱玉崑樓意自高
雲霄已付鳳皇毛
深堂四月桐花冷

閒就燠爐染雪蕉

平江謠

壯士橫戈久不還
夷虜憑陵青海灣
城烏啼破金閨夢
不道閨門是玉關

胡人牧馬圖

紫塞秋風苜蓿殘
龍媒不入漢天閑
紅絲尾斷銀蹄裂
老向戎王羽獵間

秋林

程蒙吉

白石蒼苔靜掩門
寒螿吸露鳴蜩歇
砧聲斷續何處村
木葉蕭蕭半林月

秋葵

張煒

不隨春豔鬪容光
畱取丹心待晚芳
薄雨潤濡黃淺澹
倩人呼作道家粧

採蓮曲

黃廷竹

十里芙蓉生晚霞
蘭橈隨意點明沙
隔花遊子休相問
妾是羅敷自有家

題紅梅贈易道士

賈宗錫

綠萼仙人服鼎砂
春風兩臉潤朝霞
一聲鐵笛江樓上
還勝玄都觀裏花

贈琴師楊桐月

張熠

琴師種桐今幾圍幾年和月砍孫枝斲就雲和撫幽寂
半天秋思瀉金徽

壬子秋再至館中雨窗書感

陳儒

門掩西風雨未餘羞將青鏡問年華疎松秀出寒晶色
不及天桃帶晚霞

春懷

王嘉謀

隱几昏昏白晝長衰年世味已相忘山窗莫道無清玩
零落梅花點硯香

雨中聞鶯

陳五常

澹雲疎雨晚風輕忽有黃鶯來弄聲一別春光正寥寂

隔林聞處不勝情

青山磯

陸南英

此地依稀是昔遊壯懷渾欲斷江流于今老去人憔悴
剩見殘陽古驛樓

送戚少保東還蓬萊

孫七政

南北登壇百戰功只今回首陣雲空惟餘一片報恩意
不使干將笑匣中

征胡幾度急飛書白艸黃沙血染餘一日功成思學道
蓬萊山上結茆廬

詠古

二首

幽燕唾手忽班師
明日中原虜騎馳
只有陣雲飛不盡
碧天猶見岳家旗

岳武穆

休道將軍苦戰深
教成歌舞樂揮金
獨憐一曲桃花月
銷盡英雄萬古心

韓蘄王

寒山寺

蕭蕭古寺少行蹤
今古間雲澹遠峯
一自客舟題句後
人間無處不聞鐘

明妃曲

二首

向來青鏡未曾親
爲度交河照妾身
一自影隨胡馬去
何年更作漢宮人

一朝辭漢向天驕
彈盡繁絃恨未消
畫裏不沾金屋寵
曲中空怨玉關遙

春雪中過止上人蘭若

欲向滄洲問曉猿
故人畱我聽玄言
一龕春雪埋禪影
半嶺梅花映梵門

過宋琴師故居

壁間猶挂竹匡床
依舊松風入座涼
那得夜深殘雪後
山扉和月奏瀟湘

春日期陸大遊三元道院因往北澗春遊

二首

山院桃花映碧流
何當仙侶共探幽
雖無石髓留人少

自有鸞啼駐客遊

千壑松風萬壑春
飛花撲面舞沾巾
此中莫厭仙源杳
芳艸從來不誤人

雨雪曲 二首

年年朔雪度龍山
銷盡春風萬古間
一自梅花曲中落
幾人腸斷玉門關

江南氣煖百花紅
肯信燕山雪滿空
鴻雁不教傳塞北
鴛鴦空自織機中

破山禪院

南朝廢寺石梁前
寂寂松聲夜月圓
萬壑雲深人不到

一龕燈影照寒禪

周水仙水解

水仙辟穀一載忽言天帝詔五龍迎我踏水去

只尺煙波闌苑間
別留丹訣向人寰
空傳海岸蒼龍去
那得遼東白鶴還

祇戀長生蚤棄家
鳳簫笙管落天涯
珊瑚浪底無消息
紫月宮中有歲華

贈雲溪和尚檢藏虞山

縹緲峰頭猿鶴羣
遠探龍藏五千文
殘經未了青天月
半偈先空碧海雲

征那虔峒投古寺遇雨

林深竹密鷓鴣啼雲鎖山彎去路迷野寺停驂唵不就
俄然細雨滿春犁

過平海城

倪文美

西風羸馬去遲遲短鬢星星不受吹水浸山城沙漠水
夕陽衰艸共棲迷

八月十七夜坐月

陸鳳翔

病客山城思萬重塔垂寒影月明中樓頭夜靜西風急
長笛一聲秋滿空

漁隱釣臺

孫樓

班荆坐處水潺潺盡日垂綸心自閒怪底蟠谿猶入夢

老將蹤蹟到人間

楊柳詞

二首

記得郎行折柳枝枝頭今已綠千絲柳絲只解春風舞
難織秋閨萬種思

孤鸞羞覩雀爲屏深院無人盡日扃莫訝章臺不堪折
長條猶是舊時青

搗衣曲

碓聲不及泣聲多井落銀瓶月轉河欲把金刀試裁却
蕭郎肥瘦近如何

閏七夕

四首

前度容光識未真重來短晷易爲晨莫言今歲歡逢屢
翻遣明朝別淚頻

靈鳥又促駕明河待月磯頭懶擲梭屈指三旬再諧笑
廣寒誰與伴姮娥

羅襪盈盈步漢津一回相見一回新天邊月月雙星度
不信深閨有怨人

銀蟾半壁欲西沉綵縷還穿七孔針誤憶此宵常會面
翻疑來月負初心

山行卽事

趙用賢

十里山塘九里花輕煙澹淺襯平沙棹歌一曲溪雲暝

片片尊前落紫霞

出水蒲芽一尺強深村門巷柳絲香黃鸝啼歇無人徑
小艇維來傍野棠

春堤幾曲是湖田處處旗亭艤酒船載得醉人歸去晚
半村斜日半村煙

秋江

江上風帆片片開千峯秋色映銜盃誰言水到黃河曲
不似離腸日九迴

水面寒生入鷓鴣江風吹夢落家鄉紅顏一別愁心盡
白髮三千道路長

代閨中憶海上客

金澄

君向滄溟妾影孤
愁來水上望長途
寸心空逐東流去
恨殺潮聲不入吳

沉尚湖

孫柚

孤帆懸影蒼波泝
衝徹寒蒲起鷗鷺
長吟搔首潮水平
仰望青天零白露

曉出西關口號

疎柳寒煙水國秋
遠山孤棹共夷猶
誰云千里萼莢美
菱角鱸魚滿杖頭

旅館寄內

顧榮

小閣凝寒漏下遲
三更月白杜鵑枝
兒嬌女幼春衫窄
正是挑燈補綴時

一雲訪包山

呂吾象

蚤出西關到渡頭
片颿斜插濕煙浮
蒼山盡處還無主
且向橫溪詢釣舟

春閨怨

周宗易

繡罷凭闌欲斷魂
東風底事欠溫存
等閒數點催花雨
吹上春衫雜淚痕

宮詞

錢繼科

彩扇暈飛擁駕遊
六宮雲繞採菱舟
誰憐獨倚長門者

元是三千第一流

虞姬

拔山力盡妾身輕
殉主寧辭劍血腥
恨殺香魂化爲艸
年年漢地一番生

屋漏厭雨

澤國陰多夏自寒
千村飛雨暗江干
燈前厭聽簷花落
持却金尊怕酒乾

放鶴亭

姚煦

寂寂湖塘放鶴亭
白雲深掩少微星
孤山不見梅花發
却向滄浪笛裏聽

山居

載鶴尋僧入翠微
梅花千樹帶岳扉
前湖月照空門靜
猶有餘寒襲薜衣

蟋蟀吟

雨餘艸野亂蛩鳴
淒斷空閨思婦驚
刀尺頻催衣未就
莫將寒信到邊城

友人見招携九上茶蘼同往

邵鏊

磁罌斜插一枝紅
錯認薔薇燭影中
惆悵陌頭花事了
獨携春色過墻東

新秋夜有感

繆元吉

寂寂秋聲到上林，忽驚暑往簟涼侵。思衣舊婦今何在，此夜空餘促織吟。

月下咏梅

周易

疎疎影落畫闌干，青鳥枝頭夢亦寒。試問林逋東閣裏，月明良夜幾迴看。

採蓮曲

鄧廷薦

清風湖上水連天，十里荷花簇錦鮮。兩兩紅粧蕩舟去，不知身在碧雲邊。

秋閨

王國祥

霜凋萬木雁南飛，朔氣遙憐透鐵衣。紉得重裘思寄去。

夢魂迢遞向金微

題樓居晚眺

丁沐

暝色將滅雲入戶，極陰欲覆風滿樓。卷簾寓目足幽賞，何必跨鶴登瀛洲。

春夜酒邊聞笛

徐培

竹堂微月照黃昏，一點春燈正掩門。羌笛不知何處奏，梅花亂落到清尊。

江上有懷

日莫行歌江水涯，芙蓉采得可憐花。美人欲贈知何處，一片幽情寄彩霞。

送瞿元立之任辰州

邵昌鉏

千岳萬壑救煙霞應有神仙煉玉砂
綽約若逢姑射子好因風便寄瑤華

紈扇美人

滿地秋風蟋蟀鳴偶携紈扇玉階行
同游女伴年猶少不道淒涼是此聲

擬春閨怨

許錕

雨濕朱葩點翠衣王孫昔別幾時歸
晚來雨霽登樓望極目流霞帶恨飛

送鄭繼之

徐漢稗

嶠函西去盡冰山萬仞寒光照客顏
君道渭城歌最苦更緣何事出陽關

寄俞三

帝子繁絃動杳冥江空月白九疑青
芳蘭不秀春心苦人在瀟湘隔洞庭

贈鍾清叔

嚴澂

曾將山水向知音獨有鍾期絕古今
意到一時千古處嶺雲江月伴行吟

題嚴道普扇頭畫

許儁

參差松翠石泉流松影泉聲坐對幽
回首青山列屏墮

何人杖策擬追遊

送陳次公敬夫赴蜀藩幕四首

瞿汝稷

江風吹雨暗江村孤劍憐君度劍門漠漠片帆天際遠
可堪巫峽更聞猿

翩翩年少擅摛文綵筆縱橫擬策勲萬里此時憐白髮
九天何處接青雲

珠江明月照寒流玉壘晴花映客舟何意迢遙向巴蜀
可緣宿昔夢刀州

祖道無嫌蜀道難右軍懷勝未能看山光疊起環金馬
花氣凝霞覆錦官

落花

陸化淳

纔看枝上綴芳叢蚤見墻陰砌軟紅莫怪花神情態薄
本來何色不歸空

九日扶病登樓

芙蓉采采印寒流萸菊蕭蕭傲九秋病起不堪臨絕巘
小凭軒檻望山頭

宮詞

邵登

綠荷清露夜沉沉促織聲繁楊柳深明月自來人自遠
空餘秋思立花陰

毘陵道中寄張明府年丈

湖上花香月白時
毘陵夜泊幾回思
茱萸忍負尊前賞
楊柳空教陌上垂

成婦

繆希雍

大漠風高胡馬肥
將軍轉戰突重圍
征夫十萬何時罷
愁殺年年欲寄衣

四月彭城道中

征人極目艸萋萋
無限風塵逐馬蹄
遙憶江南春事盡
名花開徧到棠梨

江行懷古

鐵甕城頭霧氣籠
江流長鎖秣陵東
懸知霸業千秋事

惟有青山片片同

陞辭出都門日逢開霽志喜

陳禹謨

雪殘鳩鵲出都城
愛日融融向去程
應是天心憐客子
特先寒沍布春明

題桃源圖

錢達道

天台何處是仙家
洞口年年春正花
莫怪劉郎無路入
當時應恨出山差

寄馬校書

徐待聘

淡雲疎雨不勝秋
半是羈愁半別愁
只尺桃源迷去路
花開花謝水悠悠

雲陽道中

路自茫茫塵自飛
落花無賴點征衣
雁拖殘雨江聲遠
馬立斜陽山翠微

春詞

徐崇誠

畫船五彩障輕羅
試聽吳儂欸乃歌
一曲鷓鴣渾莫解
斷腸回首月明多

送友人遊武林二首

嚴澍

三竺雲深鎖莫鐘
六溪如練落芙蓉
何當拂袂從君去
散髮扁舟卧綠茸

僂擬當年爲買山
到來踪跡竟茫然
煩君問訊東林遠

許開池種白蓮

立春日有懷仲元

徐崇賢

春風新水破流澌
玉甲春盤薦菜時
遙憶故人江上別
梅花何處寄相思

春閨詞

憔悴春衣濕泪痕
殘燈慘淡照黃昏
梨花窗外三更雨
角枕空消夢裏魂

靈隱冷泉亭

繆玄

清霽氤氳宿樹芬
寒潭風卷淥波文
冷泉坐久羣喧寂
極目松梢度白雲

明妃曲

嚴濟

賤妾寧辭嫁遠天君王紅粉自三千若知別後春風面
但看胡沙秋月圓

春閨怨

青樓日暖綺春還紅樹庭前嬾去攀
在殺黃鸞啼不住
夢覓妾自度燕山

經竺塢

金定樂

竺塢春晴衆鳥飛瑤峰瑤樹迴
含暉谿迴徑轉蒼煙隔
祇有鮮雲罨艸衣

少年行二首

玉勒銀鞍滿路光
鬣蹄拋却鬪雞塲
日斜扶醉長安陌
紅袖誰家不靚粧

河漢依微片月高
曲房羅薦醉檀槽
驚聞赤羽傳青海
斜睨天狼拭寶刀

昭君怨三首

顧雲鴻

一閉長門二十春
才瞻天表又胡塵
由來錯認君王棄
過眼何曾屈一人

萬里金閨萬里心
黃風漠漠雪山陰
胡兒盡向琵琶醉
不識絃中是漢音

努力吞聲報至尊
何如風雨閉長門
宮中無限深居者

海虞文苑 卷之七
明妃曲

嚴濟

賤妾寧辭嫁遠天君王紅粉自三千若知別後春風面
但看胡沙秋月圓

春閨怨

青樓日暖綺春還紅樹庭前懶去攀在殺黃鸞啼不住
夢覓妾自度燕山

經竺塲

金定樂

竺塲春晴衆鳥飛瑤峰瑤樹迥含暉谿迴徑轉蒼煙隔
祇有鮮雲罨艸衣

少年行二首

玉勒銀鞍滿路光長蹄拋却鬪雞塲日斜扶醉長安陌
紅袖誰家不靚粧

河漢依微片月高曲房羅薦醉檀槽驚聞赤羽傳青海
斜睨天狼拭寶刀

昭君怨三首

顧雲鴻

一閉長門二十春才瞻天表又胡塵由來錯認君王棄
過眼何曾屈一人

萬里金閨萬里心黃風漠漠雪山陰胡兒盡向琵琶醉
不識絃中是漢音

努力吞聲報至尊何如風雨閉長門宮中無限深居者

不道孤眠是主恩

夏日養病間居二首

蓬蒿驕穉擁衡門不道墻西有市喧
怪底漁樵知世代錯嫌雞犬異桃源

返照橫窗午睡清茶香吹落硯雲平
罷琴兀坐無餘事淨拂濤箋寫衛生

春日山中對酒

孫森

青山兩岸夾桃花芳逕迢遙到酒家
洞口但教傾竹葉溪邊何事憶胡麻

秋江欸乃曲二首

錢希言

白蘋風急露華溥瓜步灘聲一夜寒
要寫新秋江上興六朝山色帶煙看

秋江何處莫愁家日莫迎郎艇子斜
借問江干楊柳色可能接近白門鴉

虎丘茉莉曲二首

樓臺簇簇虎丘山斟酌橋邊柳一灣
三月淥波吹曉市蕩河船子載花還
惜花人起弄纖枝半拾蟲絲半網絲
彈却指尖疆玉冷滿闌寒雪影參差

送繆三還吳門

東窗金谷並西園
不與金谷並西園

孤山踏雪雪成泥
花裏逢君並馬蹄
明發客程何處宿
戍樓煙火石門西

阻風攜李戲代閨人作望婦曲

蛟龍機上度夏深
臘盡空閨雨雪侵
不是金錢無定準
從來難卜是郎心

翁兆隆社兄招飲鄞江署中夜話卽事四首

衙齋寂寂話夏長
鑿落銀花勸客嘗
若道臨邛不解事
何緣少識馬卿狂

游女如雲戲水濱
爭誇潘令是仙人
擬將渡口桃花色
併作河陽縣裏春

鄞江舊事幾堪論
千古傷心月一痕
樊謝花藏鮑郎墓
錢湖水遶計然邨

四明二百八峰蟠

雲窗綠玉寒不信
謝郎爲縣令

三年騎馬未曾看

題畫贈張選卿

陳璋

天漢乘槎抱異才
忽將董苑杏花栽
讀書臺畔堪壺隱
紫氣遙看接上台

吳公子携妓集包山寺竹林卽戲題限空字韻

何世滋

忽訝乘鸞到碧空
長林瑟瑟度香風
玉人笑倚琅玕立

黛色輕將粉面籠

訪齊之吾谷

桑孝光

青岡曲折白雲深
強半幽懷屬苦吟
許久不來春又莫
藤花落盡換桐陰

光福觀梅

許士柔

何處旗亭賣酒家
春風旅邸客情賒
酒人香夢渾如蝶
飛入峰頭萬樹花

湖南州舍

錢爾光

幽人歲月今何如
十里湖光一卷書
幾夜東風吹不斷
波濤聲急小窗虛

秋日村居偶感

秋來搖落門前柳
手把道書坐虛牖
忽憶張陳末路情
休言管鮑貧時厚

絲絲短髮鏡中逼
朵朵寒花籬外新
盡日柴門無剝啄
江州不遣白衣人

終朝散髮任踈懶
連屋書堆一床滿
笑指堦前花欲開
不知爨下煙長斷

閉門羞嘆食無魚
徑沒蓬蒿不欲鋤
豈是山公能薦代
篋中已草絕交書

空林煙雨如絲墜
霜風落紅閒滿地
野夫獨酌臨前軒

煮酒掃葉呼童稚

誅茅作庵湖水西繞窻翠竹幾枝低元規塵起扇自蔽
但見落日風淒淒

幽巖叢桂競舒黃秋色蕭條到草堂閒悶祇憑詩句遣
晚來一枕覺初涼

偶見友人北山逢麗姝之作戲爲和之

春游北郭遇傾城一見空餘百感生自是紅顏堪恨絕
休疑陶令賦閒情

山徑逶迤別有村野花千樹遶柴門無端露出如花面
銷得崔郎隔歲魂

弱態逢人不自容嬌羞宛轉滅行踪風流正是西隣客
莫遣登牆興欲慵

下江行

魏浣初

画舫何曾似使君郵籤不遣候人聞一尊薄醉一床夢
隨意蘆灘宿水雲

雪牕卽事

周儼

雪欺慈竹壓枝寒午夜呼童去掃軋恐有饑禽棲葉底
輕將拄杖打瑯玕

雪滿通衢絕馬蹄多君帶雪訪蓬萊主人不學袁安卧
大笑披裘話剡溪

餘來首着換新芻吟得新詩當酒籌修竹數竿初帶雪
半牕寒色也風流

登三皇閣

草枯木落寺蕭條門閉無人晚寂寥惟有湖光開百丈
夕陽影裏碎金綃

春雨惜花

宿酒醒來酣睡足爐煙裊裊茶初熟怪來一夜風雨聲
染盡紅粧作新綠

海虞文苑卷之八

邑後學張應遴選卿甫輯

雜體

山家集句

張著

滿庭芳艸易黃昏

吳融

萬壑千岳獨閉門

劉長卿

自有繡

帷并甲帳

吳縵

不須檀板共金尊

林逋

試挑野菜炊香

飯

黃山谷

只把梅花記月痕

山谷

宿客不眠過夜半

賈島

寥寥一犬吠桃源

劉長卿

首尾吟

林大同

昆湖風月類瀟湘載月乘風引興長自有漁童供鱸縷

可無溪女饋蓮房羽觴傳令畱新客玉手藏鈎趁晚涼
此際好邀隴客共昆湖風月類瀟湘

山亭蚤起

迴文五言絕句

王留

小亭一池臨栖鶴伴翁吟曉月孤猿嘯鳥啼亂山深

雨後出山

啼雲洞樹濕積雨岳苔荒衣刺棘林密屐粘花瓣香

江行小景

風回浪拍沙水接天涵岸蓬短一梭輕極目飛雲亂

其二

田田荷逐浪嫋嫋荻搖風船近浮鷗狎路危愁旅窮

江亭夜宿

潮生海岸濶月沒江城荒蕭蕭竹下露遙望楚天長

詠梅

迴文六言絕句

細細香生小院疎疎影散虛亭趣景西湖絕妙孤山月

白風清

春日郊行

迴文七言絕句

啼鳥野田春霽雨落花岳樹洞生風西風隴麥翻晴浪

溪碧枕山涵日紅

秋日舟中

滔滔逝水流江漢片片飛雲出岫岳高岳海天秋唳鶴

遠沙煙雨莫歸帆

夏夜過湖

明河月映紅蓮渚遠島煙連翠竹墟橫渡野航停宿旅
出溪鳴笛有歸漁

客途有感

風生莽野迷沙黑日落遙林宿鳥喧鬢鬢短歌悲失路
空山雪月夜啼猿

水竹居

迴文五言律

潯湘映玉明翠羽逼波清沉綠搖蘭影蔚岑來鳳鳴音
諧鳥舌巧浪躍鯉梭輕尋此從游息心間遂逸情

秋望

迴文五言排律

輕煙澹斜日遠趣成畫圖清蘭雜茂芷落葉殘高梧聲
切悲鴻雁影翩翩燕鳥晴原倚列嶂小艇浮平湖醒夢
憐蕉鹿利名空擲盧

漁家樂

迴文七言律

寒雲護屋隱蘆汀霽雨微風曉氣清殘月嘯歌羌篴短
浴鷗隨艇釣綸輕丹楓瓣颯青蓑笠白雪香春晚稻杭
拚醉一場名利遠間身伴鶴結深盟

樵夫唱

金聲一動振梧飛蚤入樵山水映暉尋藥爲驚羣兔走

轉岳循踏曉霜微
深行澗畔腰橫斧
盡剔叢林棘挂衣
吟美載歌商調別
岑危度檐逐雲歸

田家樂

濠盈水繞畝南東
樹匝溪橋野徑通
膏沃土宜多惠利
忼懽情遂樂年豐
勞動忘處酣盃酒
報賽忙時走稚翁
鞞鼓鬧村旋足賦
小舟蘭棹蕩輕風

牧童歌

喬平水漲艸萋萋
遍牧羣兒犢滿堤
喬木翠陰乘日晝
表畦春雨潤鋤犁
囂囂自得逃機穽
澹澹常時飽藿藜
遙望野蕪煙渚遠
日斜橫遠竹林西

登拂水岳

林深隱寺有鐘聞
噴瀑飛崖兩下分
陰樹嘯猿悲薄日
際天啼鳥礙行雲
岑遙漫翠浮松徑
澗曲流紅亂縠紋
今古自開圖畫好
吟還醉墨妙書裙

鷲山畱別書事

飛雲斷岸繫輕舟
酒勸歌勤爲客畱
魏石秀松青繞寺
澹煙晴靄翠凝樓
依依柳巷門牆舊
曲曲溪橋野水流
衣濕雨香花滿道
西山鷲起數聲鳩

題畫

迴文七言排律

雲山萬壑野橋橫
小閣書聲和鶴鳴
羣鳥過林遙度影

海虞文苑 卷之八 四
隊魚驚浪逐浮萍紛紛驚雁蘆汀集兩兩漁船湖水平
曛夕縱吟高興適赤楓凝照落霞晴芸香拂几憑時夢
磴曲盤崖轉陸行芹獻樂輸忠悃抱石泉怡老却虛名
詠小樓 一字至十字 丁奉
樓樓荷美頗幽傷嘉木占芳陬一梯夷坦半榻優游庖
近壺觴便窗清翰墨稠可信庾公開興從知王粲銷憂
數級上超遷塵跡四時中騁豁吟眸檻外遭圍棟梁宅
第闌前掩映花竹林丘隱几處青山浮雲古塔卷簾時
綠水亂鳥扁舟總似岳陽安得希文再記雖非黃鶴豈
無崔顥重遊

八月十一日夜與趙敬夫極譚時變因就架取陳
簡齋集以侑觴至其八音詠效爲二首

楊儀

金風入羅幃蛩響四壁靜石礎夜流潤共此燈燭影絲
絲窗隙明細雨芭蕉冷竹聲起珮環對語情耿耿匏繫
恥明時雄飛怯途永土鼓俗旣移平地生陷穽革鼎在
反覆政教賴寬猛木訥本近仁我生亦云幸

金氣入我室夜久情如何石屏背青燈東林待姮娥絲
鬢臨涼飈壯志成蹉跎竹爐火初蕪黃流金叵羅匏陶
可薦帝况乃歌菁莪土垣覆芭蕉詩書足吟哦革面鄭

海虞文苑 卷之八
衛語洗耳唐虞歌木落湖水清寄與豈在多

五禽言

沈冕

摘桑看火茆厨日將午摘桑收蠶猶火急飯熟不遑食
阿兒看火竈下眠不知釜中已煮新絲錢

子規子規爾子向何之花稍日日啼村中老父守爨獨
前歲輸官將子鬻至今冤作桓山哭

告天告天胸中抱何冤不知老夫田已沒吏來催租更
隳突無路告官請饒縣門亦似天高

提葫蘆村中酒薄不可沽山花向我笑客來可奈何但
得床頭有美酒不提葫蘆遶村走

脫布褲獎褲雖脫身還露君不見西家新婦無鞋着
一夏踏車赤雙腳

藥名

七言絕二首
七言律二首

蕭韶

牽牛織女別經年安得鸞膠續斷絃雲母帳空人不見
水沉香冷月娟娟

澤蘭憔悴渚蒲黃寒露初凝百艸霜不共玉人傾竹葉
茱萸甘菊自重陽

菟絲曾附女蘿枝分手車前又幾時羞折紅花簪鳳髻
纈將青黛掃蛾眉丁香謔比愁腸結豈冠長含別淚垂
願學雲中雙石燕庭烏頭白竟何遲

天門冬日曉蒼涼落葉愁驚滿地黃清淚暗消輕粉面
凝塵間鎖鬱金裳石蓮未嚼心先苦紅豈相看恨更長
鏡裏孤鸞甘遂死引年何用覓昌陽

春宵花月

迴文七言律

薛胤龍

紗窗月上花搖影月卧花深夜睡濃斜月壁涵花下露
落花香怨月中風霞凝月榭花情逸錦墜花房月夢空
花弄月陰春寂寂月籠花色醉朦朦

詩餘

南香子

辭餞次東坡九
日詞韻為別

張著

雨過碧雲收望斷蓬瀛隔十洲白苧衣涼風滿樹颼颼
却怪南還已白頭對酒醉還醒此去西江正值秋無
限相思那忍別休休回首青山總是愁

滿江紅

送余侍講告
病歸南康

吳訥

歸去來兮家何在匡廬山麓對萬頃平湖數間茆屋昔
日登科年正少玉堂應制誇神速二十年朝夕邇清光
當知足齒漸脫頭漸禿不如尋个閒局惟戀闕歸心
遲遲難促此日登舟歸去也到家正值松醪熟酒醒膾

把萬卷詩書教孫讀

風入松

咏虞山

林宗

擁屏排戟倚晴空峭壁削芙蓉古今勝槩知多少四時
探討無窮拔地參差上下接雲延亘西東天開圖畫
萬千重遠澹近猶濃可人有風煙雪月入簾無春夏秋
冬休問弱流東去蓬瀛只尺相通

風入松

歸隱

李傑

黃梅時節雨初收涼氣似新秋鳳城回首江南路悄悄
悄獨倚危樓白鳥孤飛盡處長空萬里悠悠家山不
見使人愁書劍為誰留旅天事業都成夢又何須拜相

封侯明日拂衣歸去綠波芳艸扁舟

天仙子

送人歸吳

都門雨散浮塵淨綠樹紅亭相掩映片雲飛處是家山
添別恨催歸興鶴髮雙親誰定清客醉祖筵尊酒聲
馬首翩翩征旆並計程一月到吳中風景勝堪題詠稻
滿西疇花滿徑

風入松

壽費司業乃兄六十一

眼看元日又過三和氣與春覃畫堂盛設長生宴聽嘉
賓揮麈高譚臘蟻浮盃綠醖江魚作鮓紅甘主人華
髮稱華簪臉暈帶微酣花甲一周還復始享遐齡須過

彭聃最是季方情重結詞遠寄江南

風入松

壽吳元博

紫霄佳氣靄蓬瀛明日是新正玉堂仙客垂弧節正人間寒盡春生梅蕊香飛翠幕椒花酒煖銀罍貞元會合誕儒英金榜占魁名千百歲纔過半百更須看蔗境光榮鳳閣鸞臺重地老成待秉鈞衡

南鄉子

齋居對雪

齋閣莫寒疑誰剪冰花細細零頃刻庭除都積玉清清不信蓬山隔大瀛三日太常醒臘甕塵生破硯冰坐對銀缸成落莫惺惺白髮難禁此夜生

滿庭芳

寒透鴛衾聲驚蝶夢蛾兒亂撲紗窗玉堂高枕幽興可能降報道街衢平滿鬧市童狂走鄰扈十指凍渾如屈鐵巨筆信難扛想侯門此日香生綺席酒滿瑤缸錦帳裏佳人起舞雙雙爭似我清齋處飲香茶細和新腔更欲上鼇峰絕頂注目向寒江

風入松

警世

桑悅

名韁利鎖苦重重沒个從容人生自古無根蒂大家是斷梗飛蓬天際悠悠艸綠陌頭袞袞紅塵東風未久又西風歲月匆匆蒼石桐雲影瀟湘雨暗磨盡多少英雄

千古是非一夢澹煙落日秋空

滿江紅

歸家作

簾卷東風窗兒外又生芳艸連數日悵望佳期越添煩惱尋花問柳都擔問社鶻啼怨知多少見門前飛絮絮成團春如掃江山遠音信杳形已變心難老凝望處又被遊絲相攪綽約脩眉誰善畫娟娟翠映巫山曉便拚一世不相逢心寬了

滿江紅

閨中寫興

誰信先生婦故里數間茆屋且隨緣度世和光混俗日照肚皮纔一覺起來喫枕酸齏粥有時社酒飲黃昏鄰

家宿林間坐花小幄溪邊卧苔爲褥任形骸放浪無拘無束身外升沉休計較吁嗟人事多翻覆怕途窮日莫是騃人由他哭

虞美人

春曉憶長沙作

細雨梨花春夢破梁燕將愁訴薄陰小閣日曨曨寶篆輕煙一縷裊東風星沙舊占遊歌處媚景難畱任王孫芳艸最多情萬里和煙隨我到邊城

如夢令

過廢宇有感

高閣平臨松島曲榭低環荷沼侍女卷珠簾倦把落花閒掃過了過了基地交還芳艸

花院繁華可愛松徑清幽難賽金谷與平泉依舊還人
鋤菜無奈無奈目送飛鴻天外

前調

夜燕

雲護深沉簾幕風度清冷絲竹行酒假嬋娟盃酒轉成
金玉秉燭秉燭月過花稍偏速

滿庭芳

秋雨通宵有感而作

薄莫窗陰連朝礎潤黃昏雨滴空庭蕭騷浙瀝間和壁
蟲鳴猛與荷池戰能打蕉葉細覺凄清巡簷聽懷人萬
里點點是離情久忘前事了忽勾來心上歷歷分明
黯殘燈欲滅鼓轉三更惟愜涼生枕簟和衣卧好夢難

成龜銷候正鄰雞三唱徹曉奏商聲

瑤臺第一層

癸卯元宵後一日

楊儀

春滿瑤臺天宇淨江梅露玉肌星橋銀樹翠屏雲母光
簇琉璃西山雨過霽月當空清影爭奇生歡處坐沉香
火底休數觥卮應知元宵雖過十分圓滿正斯時昇
平嘉會清歌窈窕緩吹參差擁觥籌筆硯總當世文武
英姿撫佳期覺壯懷激烈笑縮金龜

陸儼山云客有攜夢羽近作瑤臺第一層見示者辭
秀調高真詞場名手也秦七黃九不能專美于前矣

巫山一段雲

卅堂新成作

細雨沾楊柳東風上海棠一春佳景在菲堂煮酒又生
香 玄本無煩艸嘲多亦不妨花前縱飲任清狂舊恨
莫思量

江南春

三首

追和雲林倪先生韻

吳山翠染森春筍斗熨湖波銀練淨山桃開遍野禽啼
人在鞦韆嬌送影 曉風寒峭越羅冷竹鑪熱火烹龍
井酒痕狼籍紫絲巾陌頭柳條縈麴塵 流雲遲流水
急燕蹴飛花紅雨濕鏡中朱顏歡何及年年芳洲艸光
碧簫鼓樓船滿城邑青旂飄揚駭鶴立人生百年水上
萍眼前靡刃空營營

元鎮本錫山富室性清介絕俗晚至無家多寄居琳
宮梵宇世傳其手書江南春必思婦之作也先生自
題云三首于按其聲卽木蘭花令前二首二闕已終
其憂思之懷未盡故易後章作三字句爲過肉而救
反以發其情祝希哲嘗疑其爲兩章先生三首字爲
誤書故附其說于此

黃鸝遶碧樹

雙調夜夜坐小樓感懷

夜靜初聞雨金荷再蕤水沉重炷小閣間憑聽蓮籌長
短簷花飛舞池氈初煖却又與琴尊爲伍且莫管世路
風波險惡人心今古昨夜柳梢月吐記海棠已開無數

這些子但陰晴順受榮枯莫訴縱然是五陵豪富今只
有一杯土爭如無酒陶潛絕糧杜甫

劍南神曲

王子春日此詞本明皇幸蜀時笛中譜賜名謫仙怨劉長卿寫其調時人未

知故有今名事見劇譚錄

青鞋獨立江橋試看春生近郊紫霧橫舟溪叟蒼煙擁
路山樵梅花一樹兩樹楊柳千條萬條身是玉皇舊
吏不妨杖履逍遙

杏花天

越調辛亥正月水仙盛開對花夜酌用古調杏花天翻新詞歌以進觴此曲初似

不叶然入越調北音發聲自得悠揚之趣乃知易安之能賞音勿以解婦為足少也

春來準備看花眼苦經旬風狂雨顛窗前誰作催花使

喚起我同看水仙 盃裙綽約盈盈步捧金盃雙雙袖

揜山礬幸與梅兄並酣暢處瞻光正圓

錦堂春

初及第作

掖門西望柳依依宮袍初換征衣簾纖雨過片雲飛目

斷親闈 堂背萱芽幾許江南梅子將肥陌頭小艸總

芳菲難報春暉

大有

小石 三月五日小園對松竹作

鶴舞隨人花香入牖太湖峰倚雲孤瘦小亭前湘簾不

卷清晝連宵病染傷春酒強支筇土華如繡忽聽得落

梅風誰家玉笛清奏 心驚禁煙時候纔折了小桃花

又海棠近手一樣春情種種惱人難受且自拂春衣袖
去撫美竹松舊友看龍鳳百種風標歲寒相守

江邊春夢

寄答陳霞樞蔡小梅子三十年舊人也

雲和雨朝朝隔斷湘江浦湘江浦桃花零落萋萋芳杜

笛聲暗逐春潮起陽臺夢轉人何許人何許青山一

縷月明千里

初問口

大石

庾戌春予與顧劉二君同送莫甥

良北上聯舟數日談笑甚歡至毘陵既與子良為別三月念二日夜將半再入惠山寺

鴈下漪瀾亭中沉醉還舟明日將蓬閣之別各就歸途去矣

江上清風山閣明月漪瀾亭下遊踪滅酒重斟花再折

人生此會真奇絕萬竹琮瑤二泉清冽銅爐蕪火添生
兼佛燈明仙漏徹醉眠不管人離別

採茶歌

南呂

雨前時亂鶯啼芥茶幽興夢先馳隔竹已開青玉碾對
花休賦翠濤詩紅日畫簷西烹雀舌關鎗旗月團的
歷浸玻璃幾度松風醒酒惡半窗蘭馥沁詩脾點點落
疎棋

蝶戀花

林鍾商

王氏梅下和邵子厚韻

一樣春花梅自別我恨來遲已見飄香雪萬點臨風添
一絕金尊到手休教歇
嫵娘歌喉聲欲咽良會佳期

須待山頭月玉骨冰肌清自徹紙屏好夢和誰說

又燈下對梅再疊

深夜沉沉人未別銀燭瑤葩點綴枝頭雪萬斛沉檀香
不絕天教小雨黃昏歇玉笛誰家風外咽煙靄霏微
露出松梢月好會從教雞唱徹清狂畱與旁人說

長相思題宋人春閨圖

桃將然柳拖煙懊恨韶光似去年春愁怕獨眠繡簾
前月鈎懸手拂瑤琴嬾去彈幽情誰與傳

撥不斷雙調 三月念一日閨中理菊種蒲自詠

菊苗肥萸蒲瘦生涯此外吾何有竹影間侵枕畔書花

香自入盃中酒玉樓春畫心無榮瘁無皺今朝過也

明朝又屋外江山自主賓窗前鳥兔從飛走青氈依舊

生查子大石 庚戌六月十七日夜坐

清風萬卷樓月轉墻花影鐵馬響簷牙螢火依苔井
幽懷去復生好夢重追省石枕竹方床夜久衣裳冷

碧空月詞舟中對月

碧溪新雨過瑤天正月圓木蘭舟子莫生寒誰遣十分
好景付閭官翡翠開青海金波映玉盤一時都得共
清歡昨日鳳城龍闕夢初殘

沁園春過獲麟渡和桂洲嚴陵懷舊韻

南旺雙湖獲麟古渡倦客歸來見官柳無邊狂瀾彌望
半天雨過一幅帆開沉沉漁舟悠悠牧笛隱隱滄洲去
復迴真个是人間雲島不換霜臺 杜陵小樣情懷休
再問當年讀易齋向淇水園中多芟惡竹羅浮山下漫
理疎梅晞髮蓮峰披襟日觀端亦人生大快哉蓬窗外
忽白鷗兩兩對我徘徊

減字木蘭花

舟中夜思

東林月起清影正窺窗上紙南浦風生爽氣先聞水面
聲 誰家玉笛千里歸心江州碧試聽銅壺幾點殘星
岸柳疎

木蘭花令

閏月念九日過魯橋用桂洲韻

魯橋忽送今朝雨日午鳴蟬千萬樹青山一帶浸波明
煙水前村是何處 自理瑤琴還自語知音從古難多
數欲鼓漪蘭下指遲爐煙半逐飛雲去

菩薩蠻

中呂

過谷亭預寄秦氏園亭

試說還家情意好澹月微風天漸曉炎夏似深秋中流
自在舟 菊松三徑地猿鶴猜人意且醉習家池參差
白接羅

賣花聲

六月一日雨後過桓山欲遊石室過徐欲
登放鶴亭皆以泥淖不果因憶舊遊有作

疎雨過彭城小簾涼生高臺戲馬古今情却憶舊遊人

去盡好夢難憑 海上曉霞橫柳色蟬聲青簾晝舸映
波明欲弔坡仙河水廣好事難成

水龍吟

越調

題金山寺

天生砥柱狂瀾一拳瘦石名千古三峽奔騰五湖滄漚
萬流衝注明滅煙霞昭回日月吐吞雲霧看風波南北
悠悠總人間閱歷興亾路 清夜魚龍吟嘯戛鶴鶴迴
翔分聚慷慨英雄飛揚才俊古今無數北客重來景物
不殊風流如故攬青銅漸覺鬢有繁霜歲華空度

水調歌頭

中呂

小院清如水卷簾人未知手倦方拋書卷午夢鎮相隨

恨煞春光去也牆外無窮花柳過眼剩青枝鬢兒久寂
寞鶯子故差池 空掩袂盼嘉樹數佳期有个人人何
處兩地各相思謔說消愁惟酒更道忘憂有艸此病最
難醫多情緩羅帶多愁損腰肢

長相思

題唐伯虎畫折枝

桃花紅杏花紅兩樣春光便不同各自逞嬌容 倚東
風笑東風綠葉青枝共一叢靜愛碧煙籠

六如唐先生爲一狎客作水墨桃杏二枝在一扇頭
將伺暇日作新詞題之其人持去爲一狂生大書一
詩于前先生見之怒甚取筆泚墨淋漓一時塗抹詩

畫盡墨予就案以水筆洗滌新墨狂生之詩半亦磨
滅計不能盡去乃因文刪剔易爲小詞良久詞成扇
亦曝乾逐字填補既定以呈先生先生喜曰子能點
鐵成金我當共成勝事耳起與脩飾損缺復自序題
新篇于左邀所知三四輩入桃花庵置酒高會盡日
乃罷是歲正德丙寅予年十又九矣

喬牌兒

雙調

虎丘西塘夜行迷道

通波無盡處望裏連天碧沙頭白鳥雙雙立我本忘機
八啼舟莫急浮雲生遠浦遮却西飛日桃源有路無
人識總有老漁郎難尋舊跡

畢仁叔曰承教翰併得別後大作仰知公天趣悠然
舉筆妙極譬之化工生物色色英華鑽仰區區有神
奪心融而筆舌莫之能諭也

且坐令

載德山中作

春將老轉覺風光好青山過雨溪流遶處處聞啼鳥脩
竹長林朱櫻玉笋自家傾倒王逸少舊山陰道難教
我辜負了世情底用牽懷抱總付與尊前笑醉眠莫管
催歸蚤軟茸茸芳艸

小重山

苔蔡小梅

簾卷朱樓送酒頻流鶯啼不斷怨何人碧桃花下卽間

身醉夢裏又度一年春
落日隔松筠蒼煙縹緲半鎖
荒津玉人書到楚江濱
愁萬種知是假和真

鶴冲天 淮陰阻風

斷橋渡逆風舟蕩漾碧莎洲
嘗騰好夢到揚州覺來依
舊愁 中山毫端溪硯閣帖手摹
幾徧濃雲飛盡野塘
平中流自在行

漁家傲 雨中遣懷

四日行舟三日雨天涯倦客愁無語
獨倚蓬窗懷故土
芳艸浦飛帆不為濃雲阻
筆床茶竈相隨任清風入
座為賓主陰晴世路隨遭遇
今朝過明朝白日應重覩

阮郎歸

敲棋客散小樓前
檉笙適意眠
烏毘几上玉爐煙
薰風調五絃
唐世畫晉人
牋牙籤宋簡編
龍團細碾隔花煎
閒情只自傳

紅繡鞋 中秋怨別

錢詔

別時節寒食梨花莫雨如今回首忽到中秋
桂枝香裏把墨甲金錢賣占凡幾喜
蛛垂難憑信靈鵲噪未為奇
燈花兒何太喜

粉蝶兒 無題

玉骨冰肌寶釵橫半鬆雲髻解春衫
將鴛枕斜欹眼朦

隴腮帶赤眉顰翠羽擺動着楊柳腰肢酥胸軟香汗微
暗巫山行雨

慶春宮

邵圭潔

山帶平疇水環秀野江村處處清嘉花逕客來石壕吏
去椿陰團翠閒中謗整茶瓜西溪上日暉未斜夏堂開
新築簾卷祥風戶映文霞 芭蕉分影窗紗棠棣相輝
蘭樹交加靜夜詩書清晨機杼等閒兒女當家年豐時
早願四境雞犬無譁待鶯啼春野斗酒雙柑來話桑麻
江州碧又見一年寒食風雨落花春可惜况逢身是客

謁金門

十里青山只尺兩岸綠楊如織酌酒賦詩俱未得浪
將光景擲

菩薩蠻

難消炎暑惟茆屋借得東鄰一畝竹一卷坐幽亭入簾
山氣清 天邊金殿矗未許鴛鴦宿渴病似長卿誰分
玉井冰

玉蝴蝶

咏梅

報道江南春蚤誰將消息先付梅花清絕標姿真个異
種奇葩淺流邊一枝寒浸明月下幾樹橫斜老煙霞短
籬村落茆屋人家 還嗟隔林桃李總稱繁豔更近喧

海虞文苑 卷之八
譁雅澹精神美人依約自天涯憑寄取剛逢驛使正相
思忽到窗紗把門遮竹爐溫火伴我煮茶

意難忘

代鮫江作

錢籍

唱罷驪駒問東君底事苦要懸車江山懷舊主風物愴
新畚休踟躇且踟躇莫湯賦婦與乞爲民勉畱一載畢
竟歡娛 飄飄鶴氅霞裾奈無心富貴決意樵漁青山
深采藥綠水淨牽渠離塵網躡仙衢松月共清虛更何
時天教合浦再覩明珠

踏莎行

贈妓林睡棠

燕趙嬋娟風流迤逗相思只怕黃昏候笑將花貌比芙

蓉香竟背落嬌紅手

隨步隨行誰先誰後睡情濃重

非緣酒甫能排遣夜來愁一般春病如今有

蝶戀花

咏四景別意和韻四首

憶昨關河同惜別幾樹江梅又見花如雪錦字不傳愁
欲絕青樓舊事空銷歇縱使加餐難下咽兩地相思一
樣窗前月枝上鶯啼不徹離情萬種憑誰說

其二

楚水吳山勞遠別十載咸陽博得盈頭雪鶯子梅花飛
不絕薰風已動梅風歇萬里啼痕空自咽爲憶秦娥望
斷秦樓月何處渭城重唱徹離人莫向離人說

其三

寂莫崔徽成久別，怨粉愁香減却梨花雪。一望一思心斷絕，湘江水冷音塵歇。檻外細流啣砌咽，鏡裏鸞孤怕見梧桐月。霜重角聲吹不徹，此情未可分明說。

其四

一曲驪駒人恨別，白雁迢迢幾處關。山雪遠道不堪音信絕，斜陽空伴離愁歇。野水凝冰清愛咽，荒艸悲風正是思家月。金井寒鴉啼未徹，無人傳與梅花說。

江南春

次倪雲林先生韻

孫樓

玉林初送黃金筍，晴絲院院柔風靜。錦鸞現曉隔花叢。

紫鸞高低舞簾影，荼靡尚勒花朝冷。自汲清深試龍井。亂紅飛盡欲沾巾，半付東流半委塵。鳥聲遲，歌聲急，清明小雨闌干濕。易去韶光追不及，船頭新漲接天碧。錦城自古誇吳邑，十二青螺倚雲立。請看點點溪上萍，柳花昨日猶營營。

戚氏

次柳耆卿秋夜韻

麗春天一枝紅杏豔，幽軒薄倖風顛薄。情雨驟，更昏煙飄然頓辭林鳥衣，輕蹴墜梁間。却教故苑羞殺移根向阻水，遙山蜂蝶無便，蝶使難憑。幾回枕淚潺湲，怪語禽細碎，遊人歷亂到處紛喧。一宵永隔如年，孤燈明滅。

和影伴更闌瞻光照那人何處欲問嬋娟恨綿綿滿眼
風物那堪懊悔當日蕊宮半含半吐葉嫩枝柔欲折未
折遷延 謗憶蒸霞似雙頤寸臉宜喜宜歡只願成陰
結子待春陽歲歲共留連無端好事多磨彩雲易散九
十春臨限殢名花誰不心縈絆朝看鏡日減朱顏倩東
君休暖休寒趁嫣紅一點未全殘拚錦茵藉落英片片
長抱花眠

解蓮環

次周美成閨情韻

柔情暗托奈平地風波對面遼邈本來面目野鴛鴦但
隨浪逐波福慳緣薄幽閣沉沉險斷送鞦韆繩索是粧

圈美套恰有千金返覓靈藥 料得水魚相若待石爛
海枯馬頭生角從教錦片前程和密雲濃雨一筆勾却
萬紫千紅總不比孤梅芳萼任春風墜水沾泥把伊零
落

戊午春余意忽有所失剔燈納悶無以自解檢詩餘
惟戚氏最稱長調可以寫然而其名又類女郎卽揮
毫賡之抑鬱無聊情見乎辭每悲歌擊節涕輒無從
語云情之所鍾正在我輩百年之內所歡幾何能無
眷眷不然余亦雅知自束而心豈易蕩若此然發情
止義古之婦人亦能之况予爲丈夫者耶復調解蓮

環以志恨云

念奴嬌

用東坡赤壁懷古韻

江南燕北數千里，歷遍波濤風物。客久囊虛，裘已敝，絕似家徒四壁。勲業難成，容顏易老，鏡裏朝添雪。五旬到也，算來非是英傑。追憶書劍初携，闔閭城外，撾鼓船頭發。譚笑封侯，男子事一點，雄心未滅。七戰文場，四逢

奪錦，勝負爭絲髮。半生過矣，晚成須問靈月。盛年浮氣，漫自許，獨步江東。人物躍馬橫戈，圍萬騎，突戰更無堅壁。歲月奔馳，勲名蹭蹬，忽爾頭顱雪。而今俯首虛名，慚負人傑。猶詫紙上雲煙，胸中硯礪，筆底花

爭發。廿載芸窗，千萬卷，頓使一朝埋滅。白壁誰沽，青錢未選，憤欲衝冠髮。重門自掩，黃昏羞對孤可。

摩娑雙眼，湯捫腹空洞，此中無物，但可容卿。三百輩仍佇圖書，東壁詠月，磯頭歌風，沛上還賦。梁園雪，揮毫對客座中，若个雄傑。忽聽雁叫南樓，蛩吟北牖，一夜清商發。兩袖涼生，零露襲銀漢，橫斜將滅。對酒長歌，攬衣獨步，颯颯風吹髮。杜鵑枝上，聲聲啼落，殘月紅塵深處，轉愁腸。却憶江南景物，靉靆雲開，梅雨霽。一片蒼崖翠壁，竹裏鳴淙，松間瀉瀑，衣袂飛珠，雪流觴。遍詠山中，亦是奇傑。而今歸路迢遙，宦途迤逗，彈鋏悲

歌發去住無憑眠未穩好夢隨生隨滅過雁牽情吟蟹
送淚聽裏堪華髮青山不負有時還醉蘿月

念奴嬌一名百字令詞剛百字也又名大江東去又
名醉江月又名赤壁詞則以坡老赤壁懷古首尾兩
言得名詞人賦此調者多矣而坡老一章獨冠今古
後人屬而和者不少余戊辰歲畱滯燕都旅愁間作
輒寄興一闋湯錄備覽情至當復賡之不知此後又
積若干也

踏莎行

戊申中秋邵氏賞月

錢壽

金宇收嵐瑤臺息籟寒芒萬里搖銀海一輪飛上廣寒

秋玉山爽氣水壺灑

皓魄常明朱顏易改深觥且盡

東君愛笑將時事問嫦娥石家歌舞今何在

卜算子

蛛網

蝶粉度春香風過重疊裏明月涼梢茸舊絲一一從頭
起花片挽離情露墮珠簾碎東海虹消莫雨收倒挂
蜻蜓尾

臨江仙

初夏新晴

百尺飛甍初過雨石榴一樹花明畫屏長晝落絲輕黑
甜初起茶竈響松聲獨倚朱闌詩思遠烏巾一角斜
傾綠槐陰裏罵新鸞个中幽雅獨愜散人情

阮郎歸 閨情

夕陽簾箔舞遊絲層樓獨倚時殘粧倦理翠鬟垂芳心
燕子知和泪眼帶愁眉天涯魂夢隨惜花春病強支
持啼鶻聲更悲

滿庭芳 賞牡丹

酒滿瓊卮花明錦幃粉牆密護春香謗誇金谷何必羨
流觴且喜清心無事乾坤大不礙顛狂君須念繁華易
擲瞥眼褪紅粧倩青皇作主東風長在日醉花旁浮
名成底事惹得身忙總有韓彭事業英雄盡屬黃梁尋
些樂莫教輕覩蝶粉與蜂黃

夏漏子 賞月

丁奉

桂香清松影膩半畝空庭曲砌碧漢迥白雲寒樓頭皎
玉盤喚嫦娥音容杳銀蟾傷人低小調綺瑟醉金觴
笑歌牛斗旁

眼兒嬌 過華湖

蘆葦蕭蕭奏輕颼煙雨隔南洲小航冒冷孤帆披濕一
路吟謳閒人儼似天隨子幽興五湖秋相知只在渡
頭漁叟沙嘴眠鷗

又 無錫武進道中

錫城迢遞過錢橋曉氣冷蕭蕭惠嶺連屏陽湖展鏡圖

畫堂香 蓬酒醒尋詩樂兀坐捧茶瓢陪行一路溪
雲中少事飄飄

行鄉子 夏夜浴酌

三泖起蘭湯汗體冰清白玉香小坐空階明月冷如霜
宛在南陽石步廊 幽興動壺觴沉李浮瓜壓蔗漿避
暑不須河朔飲酣狂酒醒詩成夜未央

蝶戀花 春宵

最苦春宵難到曉擁膝微吟屢剔燈花小流霞細酌銀
瓶了西映窗元斜月皎 四聽無聲寒悄悄急擁青綾
夢入邯鄲杳乍覺一腔諸事繞忽從枕外聞啼鳥

行鄉子

特地登樓欲寫春愁急開窗試眺遐瞰低雲遍野寒逼
重裘遇雨如麻風如剪霰如毳 胡床獨坐守僻耽幽
想功名富貴如漚百年有命萬事無謀只書一卷香一
篆酒一甌

錦纏道

小雨廉纖釀作東風微冷滿四野蕭疎春景上林畧露
梅花頂柳線鶯黃拖着漁人艇 每對物傷春間愁耿
耿嘆人生榮枯不等只安分深鎖柴門但尋詩倦處得
醉何須醒

海虞文苑卷之八
解蓮環 有感

誰能料後曾閱歷人間知新見舊歎無數開落升沉似
春花秋月浮雲過溜輕薄紛紛較眼前智爭力鬪却不
道今朝難保來日陰晴氣候 莫羨鳴騶曳繡只安分
田園委心耕耨好將勤儉傳家且澹飯麤衣延綿裔胄
古聖先賢管不得無窮宇宙我勸我把酒寬懷 休眉皺
剪碎寒雲簷外舞繽紛斜穿簾幙點芳尊津津瓊液沾
唇 數酌祛將寒去便覺酣然興至旋呵凍筆裁詩摸
寫陽春曲意

清平樂 咏雪

張文鳳

減字木蘭花

約友人遊西山
口占一闋代柬

瞿汝稷

韶華幾許匆匆又送清明去寵柳嬌花苑外堤邊鬪歲
華 坐看頭白忍使芳菲都浪擲如畫溪山乞取浮生
兩日間

又

道澈答余前詞有要笑遊人身在山中却負春
之句余愛之以為得此意者可逍遙乎長春復
寄前調再
呈道敬

何愁春去春光常伴儂家住但對春光莫遣芳菲笑客
忙 池荷庭桂賞心生色迎尊媚雪滿衡門春到梅花
又十分

西河

寄調過莫愁湖

橫莫艇當年無限佳勝蛾眉事遠月娟娟尚畱纖影翔
風雲學舞衣嬌湖邊遙伴酩酊石城似寒渚靜凌波弱
步誰並郢中白下艸萋萋都迷春徑黃鸝不住綠楊啼
如拈往恨千頃古來萬事剝煙嶺繞清尊清輝交映
消盡人間紛競玉樹豪華幾許試看遺井可獨莫愁香
豔冷又

兩日間

國

